

Ard-Mhúsaem
na hÉireann
National Museum
of Ireland

Gaeilge



Sráid Chill Dara
Léarscáil

Fáilte chuig Ard-Mhúsaem na hÉireann ag Sráid Chill Dara

Tá an Músaem suite i gcoimpléasc ornáideach nuachlasaiceach i lár Chathair Bhaile Átha Cliath agus is ann atá Bailiúchán Seandálaíochta na hÉireann. Fiosraigh ár ndéantáin is sine, taisce dhochreidte d'ór ársa agus éist le scéalta iontacha ár sinsear. Foghlaim faoi sheandálaíocht na ndaoine a mhair in Éirinn, sa Tréimhse Réamhstairiúil, in Aimsir na Lochlannach agus sa Luathré Chríostaí.



Osclaíodh Ard-Mhúsaem na hÉireann ag Sráid Chill Dara ar dtús mar Mhúsaem Eolaíochta agus Ealaíne Bhaile Átha Cliath sa bhliain 1890. Dearadh é i stíl Phallaidiach Viciotóirach mhór agus tá clú air as a cholúin atá déanta de mharmair na hÉireann, agus as a Chruinnteach cruinneachánach agus urláir mhósáice. San áit seo, tagann stair shaibhir na hÉireann le chéile le hailtíreacht iontach, agus é réidh duit le breathnú thart air.




Tá ról ríthábhachtach ag an Músaem maidir le roinnt de na bailiúcháin is fearr ar domhan a bhaineann le hoidhreacht luachmhar na hÉireann a bhailiú, a choimeád, a chaomhnú agus a chur i láthair. Téann ár gcuid oibre níos faide ná ár ngailearaithe, mar déanaimid teagmháil le pobail éagsúla ó gach cearn, agus le scoileanna, le teaghlaigh, le taighdeoirí agus le cuairteoirí idirnáisiúnta chomh maith.

Reáchtálaimid imeachtaí, ceardlanna agus gníomhaíochtaí ó cheann ceann na bliana a cheiliúránn ár mBailiúchán agus ár gcultúr. Bíodh sé ag breathnú thart le rian gníomhaíochta, ag freastal ar chainteanna nó ag glacadh páirt i gceardlanna, tá rud ann do gach duine chun sult a bhaint as. Féach ar ár suíomh gréasáin chun eolas a fháil ar imeachtaí atá le teacht nó téigh chuig Fáiltiú an Mhúsaeim le haghaidh tuilleadh faisnéise.



Tá Sráid Chill Dara ar cheann de cheithre láthair Ard-Mhúsaem na hÉireann i mBaile Átha Cliath agus i gContae Mhaigh Eo. Cuireann an Músaem le comhchuimhne agus le féiniúlacht go leor daoine ar bhonn áitiúil, náisiúnta agus idirnáisiúnta.

Sráid Chill Dara



An Cruinnreach

Gné ailtireachta shuntasach atá ann, agus tionchair Nuachlasaiceacha á dtabhairt chun suntais. Spreagtar a struchtúr cruinneachánach mór, atá 20 méadar ar airde, ag Teampall na nDéithe sa Róimh. Ar an taobh istigh, tá colúin mhairmair chlasaiceacha ann, agus iad foinsithe ó chontaetha Chorcaí, Chill Chainnigh, na Gaillimhe, Luimnigh agus Ard Mhacha.



Mósáicí

Ar urlár mósáice stairiúil an Chruinnreach taispeántar comharthaí an stoidiaca agus ba é Ludwig Oppenheimer Limited a dhear é. Is féidir na mósáicí sin a fheiceáil ar fud fhoirgneamh an Mhúsaem agus móitífeanna iontu a chuirfeadh sibhialtachtaí na Sean-Ghréige agus na Sean-Róimhe i gcumhne duit.

Éire Réamhstairiúil

LIMISTÉAR 1

Lonnaíocht dhaonna in Éirinn idir uirlisí cloiche na gcéad fiagaithe cnuasaitheoirí thart ar 7000 RCh, agus airm chré-umha na Cré-umhaoise Déanaí thart ar 500 RCh.



Ceann Máis Chnóbha
E70:50479

Ór – Ór na hÉireann

LIMISTÉAR 2

Saothar óir réamhstairiúil a théann siar go tréimhse idir 2200 RCh agus 500 RCh.



Luanla Óir
2010:246

An Taisce

LIMISTÉAR 3

Forbairt ealaín na hÉireann ó chéadta deireanacha na ré Réamhstairiúla go dtí an tréimhse Mheánaoiseach c.1200AD.



Cailis Ardach
1874:99



Cloigeann Chorr Leice
1998:72

Ríogacht agus Íobairt

LIMISTÉAR 4

Bhain leagan íobairtí daonna agus earraí móideacha eile i bportaigh le deasghnátha ríogachta sa Chré-umhaois agus san Iarannaois.



Fear Ráth Lachan
1930:69

Cainteanna, Turais agus Imeachtaí an Mhúsaem

Chun faisnéis a fháil faoi chainteanna, faoi thurais agus faoi imeachtaí atá le teacht, cuir ceist ag an bhfáiltiú nó scan an cód MF thíos.



Éire na Lochlannach

LIMISTÉAR 5

Ré na Lochlannach in Éirinn ó chéad ionsaí na Lochlannach sa bhliain 795AD go dtí 1170AD.



Claiomh Baile an Doire
SA1928:382

Éire na Meánaoise

LIMISTÉAR 6

An saol in Éirinn ó ionraí na Sasanach nó na nAngla-Normannach i lár an 12ú haois go dtí an Reifirméisean i lár an 16ú haois.



Scrín an Chathaigh
R2835



Bachall
R1561

An tSean-Éigipt

LIMISTÉAR 7

Sibhialtacht chasta na Sean-Éigipte ón tréimhse Réamh-ríoraíoch, c. 5000RCh go dtí tréimhse na Rómhánach c.395AD.



Fíor adhmaid ar a glúine
1954:160



Cónra adhmaid/Sarcófagas (A6I)1881:2228

Cluain Tarbh 1014

LIMISTÉAR 8

An cath is cáiliúla i stair na hÉireann ach ceann de na cathanna is lú tuiscint air.



Tua iarainn le hanla adhmaid
2013E213:2

Cultacha Portaigh

LIMISTÉAR 9

Éadaí ársa ó phortaigh na hÉireann.



Culaith fir W1, W2, W3

1 Tá gach taispeántas ar an mbunurlár inrochtana.

0 Tá gach taispeántas ar an mbunurlár inrochtana.

Áiseanna

- 1 Fáiltiú/Faisnéis
- Seomra Acmhainní Foghlama
- Leithris Inrochtana
- Leithris agus friotháil naíonán
- Siopa an Mhúsaem
- Bealach Amach
- Rampa rochtana
- Staihgre

Siopa an Mhúsaem

Aimsigh réimse táirgí atá spreagtha ag bailiúchán an Mhúsaem atá foirfe mar bhronntanas uathúil nó mar chuimhneachán. Tá treoirleabhair an Mhúsaem ar fáil freisin, ina gcuirtear mionfhaisnéis ar fáil faoinár dtaispeánaí.

Uaireanta oscailte

Domhnach – Luan: 13:00 – 17:00

Máirt – Satharn: 10:00 – 17:00

**Tá fáilte roimh chách agus tá
saorchead isteach ag gach láthair.**

**Lean muid agus faigh níos mó eolais ag
museum.ie**



Féach thart ar láithreacha Ard-Mhúsaem na hÉireann eile



Dún Uí Choileáin
Baile Átha Cliath, D07 XKV4

Áirítear leis na bailiúcháin
Ealaíona Maisiúla, Dearadh,
Stair Mhíleata agus scéalta
faoi leanúnachas agus athrú
ar fud shochaí na hÉireann.



Páirc Thurlaigh
Contae Mhaigh Eo, F23 HY31

Coinnítear Bailiúchán Shaol
na Tuaithe agus scéalta ó
shaol laethúil iontach na
hÉireann ann.



Mar charthanacht, braithimid ar fhlaithiúlacht
ár dtacadóirí chun cabhrú linn bailiúcháin a
cheiliúránn stair, cultúr agus staid na hÉireann
a chaomhnú, a chosaint, agus a roinnt. Scan
an cód MR chun síntiús a thabhairt.